



REPUBLIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Kuvendi i Komunës Klinë

Këshilli Komunal për Siguri në Bashkësi

01Nr 06-15705 /25

Klinë, dt: 28.05 /25

PROCESVERBAL

Nga mbledhja e dytë e Këshillit Komunal për Siguri në Bashkësi, mbajtur më 29.04.2025, me fillim nga ora 16:00, në sallën e Kuvendit të Komunës.

Mbledhjen e hapi Kryesuesja e KKSB-së, znj. Marqe Selmanaj, e cila përshëndeti të gjithë të pranishmit dhe falënderoi anëtarët për bashkëpunimin dhe komunikimin e ndërsjellë, në funksion të përbashkët për sigurinë dhe mirëqenien e qytetarëve të komunës së Klinës.

Më pas, znj. Selmanaj prezantoi pikat e rendit të ditës, të cilat u trajtuan sipas radhës.

RENDI I DITËS

- 1. Analiza e gjendjes së sigurisë në territorin e Komunës së Klinës;**
- 2. Raportimi i Drejtorisë së Inspektoratit dhe çështja e qenve endacakë;**
- 3. Ndriçimi publik dhe pengesat në trotuare;**
- 4. Të ndryshme.**

Pika 1: Analiza e gjendjes së sigurisë në territorin e Komunës së Klinës.

Fjalën e mori Komandanti i Stacionit Policor në Klinë, **z. Ragip Bytyqi**, i cili përshëndeti të pranishmit dhe bëri një përmbledhje të gjendjes së sigurisë për katër mujorin e parë të vitit 2025. Sipas tij:

- Situata e përgjithshme e sigurisë në komunë është stabile dhe e qetë.
- Kanë ndodhur 212 incidente, prej të cilave 115 vepra penale.
- Mbulueshmëria e rasteve është 88.4%, një përqindje shumë e kënaqshme.
- Janë evidentuar 104 aksidente trafiku: 20 me lëndime trupore dhe 81 me dëme materiale. Në total, 42 persona kanë pësuar lëndime trupore.
- Janë shqiptuar 3508 gjoba për kundërvajtje në trafik.
- Janë arrestuar 96 persona, nga të cilët 33 janë ndaluar. Janë konfiskuar 9 armë zjarri dhe rreth 800 copë municion i kalibrave të ndryshëm.
- Janë realizuar 25 asistime për institucionet e drejtësisë.
- Veprat më të rënda të evidentuara janë: 1 rast tentim vrasje, 2 lëndime të rënda trupore, 8 të lehta, 7 vjedhje, 18 vjedhje të rënda dhe 13 raste dhunë në familje.
- Janë realizuar: 492 patrullime në këmbë, 564 me vetura dhe 1415 pika kontrolli në të gjithë territorin e komunës.
- Në lidhje me aksidentet në afërsi të hekurudhave, janë ndërmarrë masa operative dhe taktike, përfshirë mbikëqyrjen me dronë dhe shqiptimin e gjobave. Vetëm gjatë javës së fundit janë shqiptuar 150 gjoba për mosrespektim të shenjave të komunikacionit.

Pika 2: Raportimi i Drejtorisë së Inspektoratit dhe çështja e qenve endacakë.

Fjalën e mori përfaqësuesi i Inspektoratit Komunal, **z. Skender Gashi**, i cili informoi:

- Të gjitha shenjat e komunikacionit janë të vendosura në mënyrë të rregullt, përfshirë zonat pranë hekurudhave.
- Në lidhje me qentë endacakë, është nënshkruar një kontratë me një operator ekonomik dhe ambulancë veterinarë në Rigjevë, në vlerë prej 30,000 euro, për periudhën dyvjeçare (nga data 06.06.2023).
- Deri më tani janë trajtuar dhe sterilizuar 270 qenë endacakë.
- Është në procedurë nisja e një kontrate të re me vlerë të rritur në 50,000 euro.

Z. Josip Deda, komentoi lidhur me efektshmërinë e sinjalistikës dhe theksoi që aksidentet në hekurudhë janë rezultat i mungesës së vetëdijes së drejtuesve të mjeteve, jo i mungesës së shenjave.

Ai gjithashtu ngriti shqetësimin për shtyllat elektrike të vendosura në mes të trotuareve, veçanërisht në Krushevë të Vogël dhe mungesën e shenjave sinjalizuese në rrugën “Ndue Përlleshi”.

Komandanti Ragip Bytyqi sqaroi se projekti për sinjalistikën është realizuar 100%, në bashkëpunim me anëtarët përkatës të komisionit.

Pika 3: Ndriçimi publik dhe pengesat në trotuare.

Fjalën e mori **Kryetari i Komunës, z. Zenun Elezaj**, i cili deklaroi:

- Këtë javë do të nënshkruhet marrëveshja për asfaltimin e rrugës nga Unaza “Nënë Tereza” deri në QKMF dhe rehabilitimin e trotuareve.
- Do të vendoset ndriçim publik përgjatë rrugës dhe do të ndërtohen trotuare të reja, përfshirë:
 - Nga Krusheva e Vogël deri në Zllakuqan.
 - Nga Stacioni i trenit deri në Pograxhë.
- Ka një marrëveshje bashkëpunimi me USAID për shtratin e lumit Drini i Bardhë (Zllakuqan – Guri i Zi), por projekti është pezulluar përkohësisht me vendim të ish-presidentit Trump.

Z. Josip Deda kërkoi sqarime për shtyllat elektrike në lagjen e tij, që sipas tij janë vendosur gabimisht dhe përplasen me trotuaret.

Z. Elezaj sqaroi se këto probleme burojnë nga mungesa e bashkëpunimit të kompanisë KEDS, dhe se janë në pritje të një përgjigjeje për zhvendosjen e shtyllave në vendet e përshtatshme.

Pika 4: Të ndryshme.

Pastori Jeton Sokoli, i pranishëm në takim, ngriti një çështje në lidhje me gjendjen e një rezervuari të ujit nën menaxhimin e kompanisë “Hidrodrini”, të cilin e quajti “në gjendje mjeruese”.

Kryetari Elezaj theksoi se “Hidrodrini” nuk është nën kompetencën e komunës, por Inspektorati ka dalë në vendngjarje dhe është ndërmarrë veprimi i duhur për evitimin e problemit.

Komandanti Bytyqi shtoi se Policia raporton çdo zonë që përbën rrezik potencial për qytetarët dhe mbetet e gatshme të ndërmarrë veprimet e nevojshme.

Znj. Marqe Selmanaj përmbylli mbledhjen me një falënderim për të gjithë pjesëmarrësit dhe shprehu gatishmërinë për bashkëpunim të mëtejshëm në të mirë të qytetarëve të komunës.

**Procesmbajtësja,
Vjosa Gjetaj**



**Zv. KRYESUESJA,
Marqe Selmanaj**

